

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（169）



國家圖書館出版社

中國地方志佛道教文獻匯纂·寺觀卷

安徽省 合肥市

廬江縣志


清·魏紹源 張煥修 儲嘉珩 黃金臺等纂
清嘉慶八年（一八〇三）刻本 版藏縣署

縣城圖

縣城圖

縣城圖

縣城圖




重工業系

城區圖

城區圖

5



廬江縣志卷之十三

知 廬 江 縣 事 魏 紹 源 主 修

古蹟志

墓塚附

兩漢地志於郡縣下多繫以舊國故都之名自後志地理者因於各州縣均列古蹟廬江在漢爲郡治廢興之迹宜於他邑爲多今考縣自隆慶以前志書皆湮滅無傳故其舊迹不可考然類括地志寰宇記方輿勝覽諸書及明嘉靖志頗有存者因採而輯之爲古蹟一門而以塚墓附於後云

吳王宮

天下名勝志吳王宮在城東南紫芝坊內五代時楊行密之
故宅後廢爲光化寺寺有金剛院院碑賈易之文也今名金
剛寺

釣魚臺

天下名勝志引王象之云左慈垂釣處有石磯磯有仙人跡
江南通志在廬江縣南八里

今按在縣東南八里背山臨河有兩石磯相距里許相傳爲
左元放釣魚臺

玉虛觀

宋王象之輿地紀勝玉虛觀在廬江南一里又曰南臺東漢
左慈真人之故居也後有人自稱劉方題詩於壁曰南臺舊
觀再焚修鸞鳳徘徊無樹留芳草滿時迷白鹿落花深處卧

青牛九天宛轉雲常在萬象縱橫月不收應是廬江人不識
蟾宮遺下水晶樓人謂左真人復來也觀後有水簾洞

仙隱亭

天下名勝志玉虛觀有水簾洞洞口有石傳聞元放常叱石
守之又有仙隱亭亭前有竹軒叢竹皆下曲宋崇寧間巴宰
張述來遊見而異之主者對曰昔左真人仙去棄竹杖於此
而竹生焉

舊志在水簾洞上宋隆興二年知縣劉銑構以表左仙之迹
亭久廢明成化七年曾見有石刻沉水中

羅漢井

陳志羅漢井在冷父寺門西偏石刻羅漢像十八覆亭其上
今石欄尙存而亭久廢矣

廬江縣志卷之十四

知 廬 江 縣 事 魏 紹 源 主 修

雜志 方伎 釋道 寺觀附

仙釋之說儒者弗道爲其背理而傷化也自班史藝文志載神仙十家隋以後遂成三百餘家而又增以釋氏君子不無譏焉茲檢舊志人物門廁以仙釋頗似不倫意在裁汰而說者持舊例欲過而存之因倣五代史雜傳之意於卷末別立一門名之曰雜志而以方伎仙釋道流併入焉覽者可以得其意矣

寺觀附

金剛寺在縣東南紫芝坊舊名光化楊行密建以居伏虎禪師
久廢洪武五年僧溥結庵其地永泰宣德正統間僧當微靖
安寧其次第增建嘉靖間僧從審法正宗祐真言相繼修葺
明末賊燬止存天王殿 國朝乾隆十四年知縣朱元裕重
建

東嶽廟在東門外嘉靖三十八年居民重修嘉慶七年邑紳陳

德培等重修

按古者諸侯祭其境內名山大川今江南州縣有東嶽廟矣也

泰山行祠在東嶽廟左嘉靖三十七年邑士民公建

真武觀在西門外永樂間知縣黃惠命道士唐嗣堯建景泰成化間什彥初襲迎祥修正德十二年傳人昌增建後被賊焚道士倪清源重建

按真武蓋即古所謂元冥水神自世俗雜以道家不經之說近於推矣君子敬其神而去其誕可也

三官殿在南門外萬歷十八年建 國朝康熙戊寅年修

麻城寺在治東二十里黃陂湖北石陂山元僧善建後燬天順已卯僧方德重建正德間方傑重修

竹林寺在治東南三十里黃陂湖南馬頭山宋慶元五年僧祖

南建明天順五年法慧修正德十二年通賢重修

廟今祀徐將軍
詳宋濂碑記

冶父寺在治東北二十里冶父山唐伏虎禪師所創宋賜額曰

實際禪寺元泰定間僧聰重建明永樂正統間僧智興大寧

重修成化宏治間僧方珍明善續修 國朝順治四年閩僧

星朗增建右廊山門及禪堂

伏虎庵在冶父山頂唐光化元年伏虎禪師建明正統十四年

僧大安移建於其北成化十五年方瑛新而大之今廢

雲隱庵在治東北三十里正統初僧衍順建宏治七年僧道員修
國朝雍正十年寺僧重修

楊公庵在治東北三里有宋楊公得道禪師之墓土人建庵其側隆慶二年許三錫重修

大隆寺在治東南四十里元僧無涯建永樂三年僧可靜重修
國朝雍正十年寺僧重修

祠山廣惠廟在治東南四十里元至正間建明天順四年重建
祀廣德張王渤王係西漢吳興人其祀典列在南京十廟

光明寺在治東南七十里不知建於何時旁有虎跑泉爲伏虎
禪師洗日處景泰三年方圯重建 國朝順治十一年僧行
瑞重修康熙六十年寺僧復修

風洞庵在治南大凹山第三峯康熙十九年修

勝因寺在治南三十里景泰五年僧正秀修嘉靖間僧明缸增
建法堂 國朝康熙五十七年寺僧重修

雙扶廟在治南五十里景泰間建成化間道士楊道顯修嘉靖
七年李元正重修

汪聖殿在治西二里許洪武初建天順二年知縣王慶重修嘉